



DCS-Chlais

2021

Intro I

Ich chum ändlech mal wider us em höche Norde
Zu dene Stanser Flüüger-Horde.
S'letzte Johr hätt's leider gar nid klappet:
Scho a de dütsche Gränze händ's mi g'schtoppet.
Das mer kei Maske gha händ das wäri banal,
aber im Esel sini Fürz sind nid Klima-neutral.
De schwarzi Schmutzli verschtossi gäge's Glichschtelligs-Dänke,
drum hani mini Schritt wider z'rugg müesse länke.
Jetzt isch min Esel eMobil – wenigstens vo usse,
denn ich hanem en Batterie i sin Hinder g'schtosse.

Doch bevor ich rekapituliere was Ihr aagschtellt händ
begrüess ich doch z'erscht mal Euchi awesende Chind.

Intro II

So Rue jetzt Ihr Vögel und spitzed d'Ohre
was sich i mim Buech inne hät verlore!
Zwöi Johr hani g'lueget was isch g'ange und cho –
is Buech hani's g'schribe. Das g'hört sich eso.
G'seh hani scho es paar schpannendi Posse
han aber au es paar schtilli Träne vergosse.

Drum bitt ich Euch um en Augenblick Rue -
losed mit Aadacht de Erinrige zue.
Mir dänkid an Edgar - en schtille Maa
wo Euch leider het müesse verlaa.
Viel Freud het är sim Hobby zollt
doch denn het ihn s'Flügerschicksal g'holt.

>>>> Pause <<<<



Viel Freud aber au Leid – de Chlaus möcht's no säge –
isch mängisch nöch zäme uf Euचे luftige Wäge!
Aber genau die Freud die ändet nie
und mues d'Stimmig au jetzt nid abezie!

Ihr tünd im Delta d'Treui halte –
au früschi Jungi, nid nur die Alte.
Munter wird am Bügel zoge
und i de Zäntralschiiz ume g'floge.
Das Johr hät s'Wätter Euचे lifer fescht gschtört:
S'Gjommer und s'Gfluech hani bis zu mir ufe g'hört.

Wo d'Mänschheit de Lockdown im 2020 hed trainiert
händ Ihr ufem Stansderhorn d'Nordrampe modifiziert.
De Werni, Märk und de Ruedi sind go hämmere und boohre
das Ihr jetzt eifacher gäge d'Bise chönnd seckle zum soohre.
Für de Fredi und d'Birdlike isch das au ganz guet
wenn er mit Passagier dört abe stürchle tuet.

Mit Eure GV im Juni händ Ihr's mal ganz toll tribe
ufem Stanserhorn hed de Club e neus Kapitel gschribe.
Ihr leisched Euch – potz Sappermänt –
es früsches Club-Mänätschemänt.
De Locher - dä Chlaus - uf de Thron z'lupfe het Euch nid
g'schtört:
Vo Gwaltetrännig händ Ihr offebar no nie öppis g'hört!

Es Bowling-Turnier händ Ihr im Novämber no g'macht
es isch aber kein Aalass g'si wo's luut het kracht:
Für es Turnier bruuchts es Rudel Pilote mit Speuz –
und ganz sicher nid nume mickrigi föif Schneuz!



HP Schütz, Gabi und Werni Vogel

Wenn jedä Tschumpel e Maske is Gsicht hänke tuet
wäri das nid au für Euche Clubbus ganz guet?
Dä HP hätt sich die Frag au g'schtellt
und s' dänn inere Blachebude verzellt.
Die Firma hät de Wink schnell kapiert
und em DCS es Riesetuech schpändiert.
Nach Armani-Vorbild hät de Werni es Schnittmuschter g'macht
sini Frau Gabi häts g'näiet bis schpot i de Nacht.
„Hebed Dank“ sait de Chlais und findet's enorm:
De Bus isch im Winter jetzt au Corona-konform.

Tino von Holzen

Du bisch so öppis wie nen verlorene Sohn
denn plötzlich gseht mer Dich wider am Stanserhorn.
A de Weschtflangge wie'nen Gecko g'chläbet bisch
de Werni fruschtriert, will er nid zu Dir ufecho isch.
Ich glaub de Altmeischer isch wider do
dä Chlais dä freut sich und isch würklech froh!
Nur eis mues i säge denn ich cha's nid fasse:
Tue bitte besser uf Dini Schtärt uufpasse!

Sepp Niederberger

Du hesch scho einiges erläbt bim flüüge,
losch di aber nid so schnäll underebüüge:
Bisch nämlech no überhaupt nid g'roschtet
sondern hesch en neue Flüüger poschtet.
Drum Sepp – de Chlais sait Dir jetzt vor Züge:
Gang ätlech mal wider e chli go flüüge!



Märk Limacher

Bi dine Usselandige räblet's mängisch gar prächtig:
Im Chlaus dem schiints, Du bisch de Windrichtige nid mächtig.
Au wenn mängisch d'Chnoche früsch sortiere muesch
oder Armeehelikopter z'Alpnach vertriibe tuesch:
Bisch doch sit einige Ziite da
für de Chlais en ganz en bruuchbare Maa.
S'gäb no viel meh z'verzelle als nur ein Schwank
doch dä Chlais hebt jetzt d'Schnurre und said eifach Dank!

Christian Furler

Mängs Bobo hed Dich plaaget wie verruckt
und Dich gar lang uf de härt Bode truckt.
Aber plötzlich – ich verzell kei Schtuss –
isch er zrug cho, diin alte Flüüger-Virus.
Impfe muesch Di gottlob nie degäge
nur z'rugg ga uf dini luftige Wäge.
De Chlaus freut sich mit Dir - und für Dich als Gsell.
Und hofft, Du häsch jetzt es Karbon-Chnoche-Gschtell.

Werni Vogel

Jedes Johr tuesch Du da vore sctah.
Jedes Johr chan i nur rüeme dä Maa!
De Clubbus dä brummt und lauft perfekt
wil er unter Dine Fittiche steckt!
Du hättschelisch en mit viel Müe und gisch em alli Pfläg
dass er au überlade sctürmt obsi de Haldigrat-Wäg!
Im Früelig 2020 hesch Di nid scheniert
und es grossartig Clubflüüge organisiert.
Dert hani uusnahmslos nume glücklechi Gsichter gseh –
nacheme Lockdown genau s'Richtige – was will mer no meh?
Viel Freiziit für de Club Du opfere tuesch –



obwohl Dir nie öpper seid das Du das muesch!
Du bisch ä Fels i de Brandig wo nie tued wanke:
Dä Chlais seid Dir vo Härze tuusigmol danke!

Fredi Bircher

Si chömed uf's Stanserhorn ufe mit ere Bahn am Seil
aber durab seckled's mit Dir über e Rampe gar schteil.
Wenn Adrenalin d'Tourischte würd vor Corona schütze
chönnti Din Passagierflug-Business bald überhitze.
Aber Flugschuel und Baumschuel isch nöd s'gliche Ihr Manne -
au wenn d'Schüeler am Wirzweli i de Bäum tüend hange.
Es Hanglande-Training hesch au g'macht – hett mer mir g'seit.
Das Mal ohni dass sich en Skelettschruuber hät g'freut.
Mit Marketing know-how – wie wenn's nüd wär –
machsches Deltaflüge wider populär.
Dä Chlais freut sich, dankt Dir und er git's gärn kund:
Au dini Birdlike schtoppt de Mitglieder-Schwund!

Ruedi Imholz

Das sonen Club immer tued laufe so rund
bruchts au schtilli Schaffer im Hintergrund!
Zum Bischpil adminischtrativi Manne -
drum, Imholz Ruedi, chum mal do ane.
Du achtisch dass d'Finanze nid usem Rueder lauffe
soscht cha de Werni kei Clubbusmoscht me chauffe.
Wie de Werni schtützisch au Du dä Verein.
Ich find, Eue Presi hätt es huere Schwein.



Dani Oberhänsli

Clubmitglied isch er gemäss Statute no keis –
aber dahocke tuet er scho und suuft scho eis!
Dani, dä Chlais mues jetzt schtudiere:
Dörf Dir de Schmutzli scho es Säckli schpändiere?
Dä Chlais tued entscheide – mer mues en ned lehre:
Du söllsch au eis ha – als Vorschusslorbeere!

Fipps Joller

I de Luft gseht mer nüt me vom Joller Phipps.
Da fragt sich doch mäenge mit es bitzli Grips:
Isch denn dä Maa no en Pilot
oder eine wo nur no am Bode schtobt?
Dä Chlaus chas Euch säge – ohni dass en scheniert:
De Phipps hät nume siini Huutfarb migriert!
Drum – Schmutzli – söttisch de Fipps mal g'seh
chasch ihm dänn au no es Seckli gäh!

Guido Mathis

Als Clubheizer hesch praktisch es Monopol-Patänt -
Au wenn im Chlais sini Chutte scho beinah brännt.
S'Wasser im Hinder vom Schmutzli choche tuet,
aber trotzdem is das Fүүr gar wohlig und guet.
Dä Chlais dankt Dir dass Du das Fүүr perfekt tuesch schtүүre
und hofft das deheim jetzt nid an Ranze muesch frүүre!
Vom Schmutzli söllsch au Du es Seckli haa –
du bisch i däm Club de heissishti Maa!



Extro

So ihr Schtanser Pilote, ihr tolle Huufe:

Ich gah jetzt, dä chönd ihr ändlech no eis suuffe.

Froied Euch uf di neu Saison nacheme Winter chalt -
dank de Klimaerwärmig chunt si ja hoffentlich bald!

Ich weiss, min Chef tued mich jetzt nächschtens rüge,
aber ich gächt au gern mal mit Euch go flüüge!

Als flüügendi Mänsche sind Ihr würklech sehr privilegiert
händ feini Kamerade – ich hoff das hät jede kapiert!

Ihr erläbid s'beschte vom Beschte– ja was wänd Ihr no meh?

Ich hoff, das ich Euch alli imene Johr wieder g'seh!

De Chlaus seit tschou zäme, muess sin Heiwäg ufsueche
und hofft, er findt underwägs no e chli Kafi und Chueche.

Ich wünsche Euch vo de booschterete Thermik gar viel
und immer meh als nume gnueg Luft under em Kiel!